



08-05-2023

UPA 2023/162

Qanoq iliornikkut nunatsinni ujarak sanaartornermi atorluarnerusinnaavarput, qisunnillu eqqussuiarnerup annertoqisup apparsarnissaa anguniarlugu apeqquteqaat aallavigalugu oqallisissiatut siunnersuut

(Inatsisartunut ilaasortaq Aqqalu C. Jerimiassen, Atassut)

Oqallisiaanut Siumumit ima oqaaseqassaagut.

Siumut anguniagaani ima allasimasoqarpoq, Siumup anguniarpaa kikkut tamarmik peqqinartumik inissaqarnissaq, qanoq akissarsiaqartigineq apeqqutaatinnagu.

Kalaallit inuiaat imminut pilersortut periarfissaminnik illersuissapput, sanaartugassatillu nutaaliorneq siuttuuffigissavarput. Imminut pilersornerunissaq siunertarlugu periarfissanik atuilluarnissaq ilinniartutaanikkut eqqunneqassaaq.

Siumup issittumi misilittakkat arlaqartunik ilinniarfimmik aamma sulianik ilisimasaqartunik nunat saniligut ima misittaqartigipput allaat sanilitta Islandimi illulioriaaseq atorluaraat ilisimavaa.

Islandimilu misilittakkat ima ilinniarneqartartut Siumut ilisimaqarfigaat, (Arktisk ingeniør)

Issittumi sanaartornermut ilisimasat, issittoqarfini allani Islandimiit Japanimut ilisimasassarfigisaraat Siumup ilisimavaa. Peqqutiginerullugu nunaminni, sanaartoriaaseq atorneqartoq nunap qeriuannartumiinerat Japanip avannaa isittuunera nunallu sananeqaatit nuna avannarlernut sanilliullugu nunatsinnut aamma nunat avannarlernut siuarluarsimanerat iluatsinnaateqartoq tamakku pillugit Siumut isumaqarpoq.

Saniatigullu aammalu illulioriaaseq anorersuarnut aamma nunap sananeqaataanut nunap pigisai sajuttarnernut misileraatit sanaartornermut atorluarniarlugit ilisimasassarsiortarlutik. Uaguttaq nunatsinni, ineriartortitassanik assingusunik ilinniarfimmik peqarpugut taannalu Sisimiuni – Issittumi sanaartoriaartinut teknologi – (Arktisk Ingeniør)-inngorniat ilinniarfiat atorluarneqartoq ilisimaaraarput.

Taamaammat nalorninata Naalakkersuisut siuniussaata akissutaanni taperserlugit oqaaserissagatigu.

Issittumi sanaartornermi Naalakkersuisut ersarissumik nassuiaapput, una issuaavumga:

“Naalakkersuisut isumaqarputtaaq sanaartornermik ingerlatsisuni sanaartoriaatsinik nutaanik, atortussanik nunatsinneersunik atuisunik maani nunatsinni, ajornanngippat ilinniarfeqarfiit attuumassutillit suleqatigalugit ineriartortitsisoqaruni iluaqutaanerpaassasoq. Tamanna siunnersuuteqartup eqqarsaataanut saqqummiussaanut naapertuussorinarpoq, tassami issittumi sanaartornermut kalaallit siunnersuisartut suliassinneqartartullu misilittagaqarfiginerpaavaat ilisimasaqarfiginerpaallugillu.”

Taamaalilluta oqallisiamut Siumup ersarissumik saqqummiunerniminik Naalakkersuisut siuniussaata taperserpaat oqaatigissavarput.

Dines Mikaelen, Siumut